



## *'Llantarnam Grange 60 mlynedd | years'*

### Arddangosfa Agored: Canllawiau

I ddathlu 60 mlynedd o greadigrwydd yng Nghwbrân, rydym yn gwahodd artistiaid a gwneuthurwyr o bob rhan o'r DU i gyflwyno gwaith ar gyfer arddangosfa agored yn Oriol 1. Bydd hon yn arddangosfa yn null salon, lle bydd celfwaith sy'n arddangos ehangder y doniau yng Nghymru a thu hwnt yn hongian o'r llawr i'r nenfwd.

Mae'r arddangosfa hon yn rhan o Llantarnam Grange 60, sef blwyddyn sy'n dathlu 60 mlynedd o greadigrwydd yng Nghwbrân. Ariennir gan Ymddiriedolaeth Elusenol Colwinston.

Ers iddi agor yn 1966, mae Llantarnam Grange wedi cefnogi a dathlu uchelgais creadigol artistiaid lleol, cenedlaethol a rhyngwladol.

Nid oes ffi mynediad neu thema, a byddem yn croesawu'r rhai hynny sydd wedi gweithio gyda ni yn y gorffennol yn arbennig – p'un a ydych wedi cael arddangosfa neu stiwdio, wedi gweithio yn ein horiel neu gaffi, neu wedi cyflwyno/mynychu gweithdai.

Mae'r arddangosfa hon yn agored i artistiaid a gwneuthurwyr yng Nghymru, ac ar draws y DU, ond rhaid bod yr artist yn gallu cyflwyno a chasglu celfwaith yn yr Oriol mewn person. Gweler y dyddiadau allweddol isod.

**Noder y byddwn yn derbyn un darn o waith yn unig gan bob artist.**

Dyddiadau Allweddol:

Cyflwyno'r celfwaith:

- Dydd Lau 26 Chwefror, 9.30am - 3.30pm
- Dydd Gwener 27 Chwefror, 9.30am - 3.30pm
- Dydd Sadwrn 28 Chwefror. 9.30am – 3.30pm

Arddangosfa yn Agor:

- Dydd Sadwrn 14 Mawrth, 12 - 2pm

Dyddiadau'r Arddangosfa:

- 14 Mawrth 2026 - 30 Mai 2026

Casglu'r celfwaith:

- 1 - 6 Mehefin, 9.30am - 3.30pm

### Ynglŷn â Llantarnam Grange

Llantarnam Grange yw canolfan Celf a Chrefft Cwmbrân. Rydym yn fan a gerir ac a ddefnyddir gan ein cymunedau lleol ac artistig.

Mae ein canolfan mewn maenordy o'r 19eg ganrif lle rydym yn cyflwyno amrywiaeth eang o gelfyddydau gweledol, gyda phwyslais cryf ar grefft, trwy ein rhaglen o arddangosfeydd. Rydym yn adeilad prysur gyda llawer o ymwelwyr rheolaidd, yn cynnwys pobl ifanc, ysgolion, colegau, pobl hŷn, artistiaid, grwpiau cymunedol, a mwy. Oriel 1 yw ein man arddangos mwyaf, ond mae'n fach o gymharu â llawer o orielau cyfoes, felly cadwch hyn mewn golwg wrth ddewis eich gwaith. Gweler y cyfyngiadau maint isod. Os hoffech gael ymdeimlad o'r lle cyn gwneud cais, mae croeso i chi ymweld â ni.

Oriau Agor: Dydd Llun - dydd Sadwrn, 9.30am - 4pm

### Canllawiau a Gwybodaeth am Gyflwyno :

Rhestr wirio:

- A ydych chi'n gallu cyflwyno a chasglu eich gwaith mewn person yn ystod y dyddiadau penodedig? A ydy'r gwaith yn 2D ac a ellir ei hongian ar wal?
- A ydy'r gwaith yn A2 ar y mwyaf (42cm x 59.4cm lled/uchder) a heb fod yn ddyfnach na 15cm?
- A ydych chi'n byw yn y DU?

**Os mae 'ydy/ydw' yw eich ateb i'r pedwar cwestiwn, darllenwch y manylion am sut i gyflwyno eich gwaith:**

### I Gyflwyno eich Gwaith

- Darllenwch a llenwch y ffurflen ar ddiwedd y ddogfen hon ac atodwch unrhyw wybodaeth berthnasol am y gwaith.
- Llenwch ein ffurflen [Monitro Cydraddoldebau](#).
- Cyflwynwch eich gwaith naill ai ddydd Iau 26, dydd Gwener 27 neu ddydd Sadwrn 28 Chwefror, 9.30am - 3.30pm yn:

Canolfan Gelfyddydau Llantarnam Grange

Heol Dewi Sant

Cwmbrân, NP44 1PD

Cewch fwy o wybodaeth ynglŷn â sut i gyrraedd yma a beth i'w ddisgwyl ar ein tudalennau gwe [Ymwelwch â Ni](#) a'n [Canllaw i Fynediad](#).

Noder bod parcio'n gyfyngedig a bod un man parcio hygyrch o flaen ein hadeilad, fodd bynnag mae parcio am ddim ym Maes Parcio Glyndŵr, ychydig funudau o gerdded i ffwrdd. Os oes angen help arnoch pan fyddwch yn cyrraedd, ffoniwch ni ar **01633 483321** i drefnu ymlaen llaw.

*Os na allwch gyflwyno eich gwaith oherwydd symudedd neu resymau mynediad eraill neu mae angen help arnoch gyda hyn, cysylltwch ni â drwy e-bost yn [savanna.dumelow@llantarnamgrange.com](mailto:savanna.dumelow@llantarnamgrange.com) neu ffoniwch 01633 483321 a byddwn yn gwneud ein gorau i'ch cefnogi.*

Telerau ac Amodau:

### 1. Arddangos/Fframio

Gallwch gyflwyno un darn o gelf yr un yn unig gan ein bod eisiau rhoi cyfle i gymaint o bobl gyfrannu â phosibl. Byddwn yn derbyn gwaith mewn unrhyw gyfrwng 2D. Does dim rhaid iddo fod yn gelfwaith wedi fframio ond mae'n rhaid iddo fod yn barod i'w hongian. Bydd gwaith heb ei fframio naill ai'n cael ei binio, ei hongian gyda chlipiau fforchog neu ei lynu wrth y wal yn defnyddio gludydd ar y cefn: mae croeso i chi gynnwys nodyn yn esbonio sut hoffech chi weld eich gwaith yn cael ei lynu wrth y wal. Ni fyddwn yn derbyn gwaith sy'n fwy nag A2 (42cm x 59.4cm lled/uchder) neu'n ddyfnach na 15cm.

Ein nod fydd arddangos yr holl waith sy'n bodloni'r meini prawf, ond am fod y lle yn gyfyngedig, os byddwn yn derbyn mwy o gyflwyniadau na'r disgwyl, bydd rhaid i ni ddewis pa waith fydd yn cael ei gynnwys. Os penderfynwn beidio â chynnwys eich gwaith, byddwn yn rhoi gwybod i chi erbyn dydd Gwener 6 Mawrth ac yn trefnu i chi ei gasglu.

### 2. Cyflwyno'r gwaith

Mae'n rhaid i'r celfwaith ein cyrraedd erbyn yr amserau a nodir uchod. Ni fydd unrhyw gyflwyniad ar ôl yr amserau hyn yn cael ei hongian oni bai ein bod wedi siarad â chi ymlaen llaw a gwneud trefniadau eraill. Byddwch yn gyfrifol am drefnu cyflwyno a chasglu eich gwaith.

### 3. Cynnwys y gwaith

Fel canolfan prysur a ddefnyddir fel hyb cymunedol, bydd yr ymwelwyr yn cynnwys: pobl ifanc, teuluoedd, ysgolion, ac oedolion hŷn, yn cynnwys y rhai hynny sy'n byw gyda dementia ac yn cael pethau'n anodd oherwydd iechyd meddwl. Felly, ni allwn

dderbyn gwaith a allai beri tramgwydd. Dangosir gwaith yn ôl disgrisiwn Llantarnam Grange, ac er ein bod yn anelu at gynnwys yr holl gyflwyniadau, bydd hefyd rhaid i ni ystyried p'un ai fod cynnwys yn debygol o ddiogio. Os ydych yn ansicr, am unrhyw reswm, ynglŷn ag addasrwydd eich gwaith, cysylltwch â ni yn [hello@llantarnamgrange.com](mailto:hello@llantarnamgrange.com) a gallwn drafod eich pryderon. Mae'r penderfyniad terfynol yn nwylo Llantarnam Grange

#### 4. Hongian gwaith

Bydd staff Llantarnam yn hongian ac yn arddangos y celfwaith. Cymerir pob gofal i ddiogelu'r gwaith rhag difrod. Bydd labeli sy'n rhestru'r gwaith ar gael i ymwelwyr i'r oriel pan fydd y sioe yn agor.

#### 5. Gwerthiannau

Nid oes rhaid i'r gwaith fod ar werth. Os ydyw, nodwch yn glir isod faint yw pris eich gwaith. Bydd Llantarnam Grange yn cymryd comisiwn o 40% o'r pris gwerthu am yr arddangosfa hon, felly cadwch hyn mewn golwg wrth brisio eich gwaith! Cyfrifir y gwerthiannau ar ddiwedd yr arddangosfa. Bydd Llantarnam Grange yn cofnodi ac yn dal yr holl arian a gymerir tan ar ôl i'r arddangosfa gau, ac yna bydd yn cael ei ddsbarthu. Rydym yn hapus i'ch helpu gydag unrhyw gwestiynau prisio.

#### 6. Casglu'r gwaith

Gallwch gasglu eich gwaith o Llantarnam Grange rhwng 1 - 6 Mehefin 2026, 9.30am - 3.30pm. **Rhowch wybod i ni os na allwch gasglu eich gwaith ar unrhyw un o'r diwrnodau hyn. Ni allwn fod yn gyfrifol am waith heb ei gasglu am byth.**

**Llenwch y ffurflen gais isod...**

## FFURFLEN GYFLWYNO

**Cyn cyflwyno eich celfwaith, gwnewch yn siŵr bod y wybodaeth hon ar gefn eich gwaith (os na allwch ei phrintio, gallwch ei hysgrifennu â llaw). Mae'r wybodaeth hon yn hanfodol er mwyn cynnwys eich gwaith, ac mae'n haws i ninnau wrth hongian/coladu/rhestru'r gwaith. Diolch!**

**Byddai'n ddefnyddiol iawn petasech yn gwneud hyn cyn cyrraedd Llantarnam Grange, ond gallwn eich helpu ar y diwrnod cyflwyno os nad ydych yn siŵr am unrhyw beth.**

Artist:

Teitl y gwaith:

Cyfrwng:

Pris Gwerthu (yn cynnwys comisiwn): £ .....

## MANYLION CYSWLLT

Enw:

Cyfeiriad:

Cod Post:

Ffôn:

Ffôn symudol:

E-bost:

**Llofnod:** .....

*Trwy lofnodi'r uchod rydych yn cadarnhau eich bod yn cytuno ag Amodau a Thelerau Arddangosfa Agored 'Llantarnam Grange 60 mlynedd | years' fel y'u pennir uchod. Os nad yw eich celfwaith yn cadw at y telerau hyn, ni chaiff ei arddangos.*

Os oes gennych unrhyw gwestiynau, cysylltwch â ni yn [hello@llantarnamgrange.com](mailto:hello@llantarnamgrange.com) neu ffoniwch ni ar **01633 483321**

**Edrychwn ymlaen at weld eich gwaith!**